

**REZIMEI PODRŽANIH PROJEKATA  
FOND ZA MLADE**

**Javni poziv za podršku projektima omladinskih organizacija i neformalnih grupa mladih  
Broj poziva: 2 – FM – 1/2023; Broj protokola: KP-II-11/23**

**Aplikant:** Udruženje građana Aplauz Živinice

**Naziv projekta:** Art put - lanac prekinut

**Odobreno sredstava:** 3.000 KM

Udruženje građana "Aplauz" je osnovano 1.2.2023. sa ciljem afirmisanja djece i omladine u oblasti kulture i umjetnosti. Osnovao ga je pet entuzijasta, a u sklopu udruženja trenutno djeluju Dramski, Filmski i Studio engleskog jezika. Ovim projektom žele podići svijest o značaju prevencije vršnjačkog nasilja. Ciljevi projekta su edukacija 15 učesnika u dobi od 10-18 godina o različitim oblicima i prevenciji nasilja, osnaživanje učesnika da kreativno izraze svoje osjećaje, iskustva i razumijevanja kroz pozorište. Žele producirati Brechtijansku pozorišnu predstavu u trajanju od 60 minuta, održati pet edukativnih radionica o nasilju, te nakon toga premijerno izvesti predstavu. Angažovat će stručnjaka socijalne pedagogije Martinu Dorić koja će radionice prilagoditi datom uzrastu, nakon toga priprema predstave, promocija projekta i na samom kraju premijera date predstave na kojoj su radili.

**Aplikant:** Udruženje Leptir Doboj Istok

**Naziv projekta:** Mladi su sadašnjost

**Odobreno sredstava:** 2.984,60 KM

Udruženje Leptir je nevladina, nezavisna i neprofitna organizacija, čiji aktivisti su mladi ljudi koji su jedan dio svog života proveli van Doboja Istoka zbog školovanja, a stečena iskustva žele da prenesu u mjesto u kojem trenutno žive. Probleme koje navode ogledaju se u nedostatku prostora za okupljanje, nedostatku participacije u bitnim odlukama, nedostatku pristupa neformalnom obrazovanju i nedostatku resursa za lični razvoj. Nastoje unaprijediti položaj mladih kroz niz zagovaračkih aktivnosti i transformaciju samog prostora udruženja Leptir. Aktivnosti koje bi proveli jesu: identifikacija potreba mladih, transformacija prostora udruženja, panel diskusija nosioca promjena, sastanci sa predstavnicima vlasti, kreiranje baze aktivista, kampanja i promocija i održivost projekta.

**Aplikant:** Udruženje mladih žena GirlTHing

**Naziv projekta:** Uvod u 3D modeliranje i 3D printanje - Od ideje do izvedbe

**Odobreno sredstava:** 3.000 KM

Udruženje mladih žena GirlThing daje priliku za razvoj mladim djevojkama i ženama kroz edukacije i projekte koji povećavaju njihovo samopouzdanje i nadahnjuju ih da svoju karijeru ostvare u IT sektoru. Generalni cilj



projekta jeste omogućiti učesnicima da steknu osnovna znanja i vještine u području 3D modeliranja i 3D printanja, te ih potaknuti na razvoj kreativnosti i inovacije. Organizacija pet radionica o 3D modeliranju i 3D printanju, uz prethodno pripremljene pripremne aktivnosti i promociju projekta, te nakon njih evaluacija i uspješnost projekta glavni su aspekti njega samoga.

**Aplikant:** Omladinsko udruženje TRIK

**Naziv projekta:** UdružENE

**Odobreno sredstava:** 1.576,95 KM

Udruženje mladih Trik je osnovano 2019. godine, a do danas je provelo niz aktivnosti i projekata. Primarno je bazirano na poboljšanje položaja mladih kroz procese neformalnog obrazovanja, aktivizma, uključenosti u društveni i politički život same zajednice. Generalni cilj samog projekta jeste podizanje svijesti i udruživanje mladih u borbi protiv rodno zasnovanog nasilja, stereotipa i femicida, a same aktivnosti koje bi se provodile bile bi fokusirane na: sastanak sa članovima Trik i producenticom kratkometražnog filma, sastanak sa Općinom Kalesija, Snimanje kratkometražnog filma, sađenje jesenskih ruža, tri edukativne radionice o istoj temi, ulična akcija, te filmsko veče.

**Aplikant:** Udruženje građana - Udruženje mladih Rebuff Čelić

**Naziv projekta:** TechLab

**Odobreno sredstava:** 2.998,50 KM

Udruženje mladih Rebuff Čelić je osnovano u augustu 2021. godine i ima 30 članova. Do sada su proveli niz projekata, a projektom koji se ponose je „Save the planet“, a drugi manje poznati su Festival mladih Čelić, Techno in the forest i sl. Kroz projekat TechLab žele stvoriti bolje uslove za besplatnu neformalnu edukaciju u ITindustriji na području općine Čelić. Žele adaptirati prostoriju udruženja, opremiti je sa 6 računara, CNC mašinom i 3D printerom. nakon uspostavljanja prostorija članovi Centra za održivi razvoj će održati 4 radionice na temu "Arduino za početnike", kojom će prisustvovati 24 učenika osnovne škole (9. razred) u trajanju od po 2 sata. Radionica će biti posvećena upoznavanju sa osnovama rada sa Arduino uređajima. Također planirane su radionice digitalnog marketinga za volontere, a prostor koji opreme će biti dostupan školi za pripreme učenika za takmičenja.

**Aplikant:** NG Klub mladih Lux Lukavac

**Naziv projekta:** Zaštita djece i mladih i rodno zasnovano nasilje

**Odobreno sredstava:** 2.245,00 KM

Klub mladih Lux Lukavac je skupina djece i mladih koji kao volonteri Crvenog križa rade brojne aktivnosti u lokalnoj zajednici, te organizuju razne inicijative i projekte koji teže unapređenju i osnaživanju djece i mladih. Projekat se temelji na podizanju svijesti i edukaciji djece i mladih o ljudskim pravima, sa posebnim fokusom na rodnu ravnopravnost i socijalnu inkluziju. Kroz edukaciju i osnaživanje, razbijanje stereotipa, podizanje svijesti i angažiranje mladih poticali bi promicanje rodne ravnopravnosti i socijalne inkluzije među djecom i mladima. Prvo bi obučili vršnjačke edukatore stručnjaci za GESI (Gender Equality and Social Inclusion), dalje bi educirali volontere na istu ovu temu,, nakon toga edukativne radionice u školama, te na



samom kraju kvizove znanja u kafićima.

**Aplikant:** Neformalna grupa: Vijeće učenika MSŠ Teočak

**Naziv projekta:** Zdraviji mi

**Odobreno sredstava:** 2.220,00 KM

Vijeće učenika JU MSŠ Teočak promovira interese škole u lokalnoj zajednici. Projektom Zdraviji mi bi doprinijeli zdravom načinu života, kako fizičkom, tako i mentalnim, te upoznavanjem samih sebe kroz metodu fraktalnog crtanja (sa po 5 radionica za učenike i roditelje). Aktivnosti koje planiraju provodi baziraju se na komunikaciji, sastancima sa partnerima i osobama uključenim u projekat, radionice fraktalno crtanja, sportske aktivnosti za učenike i nastavnike, izložba radova i na kraju revijalne utakmice/takmičenja, te anketiranje učenika i nastavnika.

**Aplikant:** EESTEC LC Tuzla

**Naziv projekta:** Need for STEAM

**Odobreno sredstava:** 2.194,60 KM

EESTEC je apolitičko, nevladino i neprofitno udruženje studenata elektrotehnike Europe. Kao nevladina organizacija od 2007. godine nastoje volonterskim radom ohrabriti sve mlade ljude i osnažiti zajednicu, tako da studenti ostvaruju međunarodne kontakte, stiču iskustvo i na kraju primjenjuju znanje o istim. Cilj projekta je potaknuti svijest, interes i angažman u područjima STEAM nauka među širom zajednicom Tuzle. Kroz UX/UI Design radionice i Naučne večeri projekat teži inspirirati mlade talente i sve zainteresovane da razmisle o ovim naukama, o karijeri u ovim oblastima, edukovati se o izazovima i dostignućima, s ciljem poticanja rasta interesa i podrške ove oblasti u Tuzli.

**Aplikant:** NG klub tinejdžera

**Naziv projekta:** Ujedinjeno za zajednicu

**Odobreno sredstava:** 1.831,90 KM

Klub tinejdžera je neformalna grupa, omladinska sekcija, gdje mladi rade na razvoju ličnosti, moralnih i ljudskih osobina i vrijednosti kod djece i mladih. Uzeli su učešće kroz nekoliko Proljetnih sajмова u Simin Han-u, u aktivnostima YUPeace mreže. Generalni cilj bi bio u tome da kreiraju sigurno i ugodno okruženje za ponovno okupljanje građana Simin Hana, a prvenstveno djece i mladih kako bi povećali aktivizam u zajednici. Njihovi projektni ciljevi se baziraju na okupljanju mladih jednom sedmično, na organizovanju društvenih igara za građane, organizovanju 2 radionice kuhanja - Aktiv žena uči Klub tinejdžera i organizovati 2 susreta šahovske sekcije.